

ZAPISNIK

sa 15. sjednice Upravnog odbora
Skijaškog/Smučarskog saveza Bosne i Hercegovine, održane 27.10.2016. godine u 18.00 sati
u prostorijama Ski saveza BiH u Sarajevu

Prisutni: Đelal Hasečić, Mario Laikert, Miro Đukić, Zdravko Lasica, Milovan Jevtović, Muris Pozderac, Vlado Lučić, Radenko Pekić, Ismar Biogradlić, Kenan Jažić članovi Upravnog odbora, Jelena Dojčinović Generalni sekretar.

Odsutni: Jasmin Mehić

Đelal Hasečić je otvorio sjednicu i predložio dnevni red.

DNEVNI RED:

1. Usvajanje zapisnika sa 14. sjednice Upravnog odbora;
2. Izmjene/Pravilnik o dječijim skijaškim takmičenjima 2016/2017 - prijedlog Alpske k.
3. Pravilnik o dječijim tim. i kriteriji za odabir dječije repr.– prijedlog Alpske komisije
4. Prijedlog tima za Svjetsko prvenstvo / St. Moritz
5. Pravilnik o reprezentacijama - prijedlog Komisija za ski trčanje
6. Preporuke za nastup na Svjetskom prvenstvu – ski trčanje
7. Snowboard pravilnik – prijedlog Komisije za snowboard
8. Cjenovnik Ski saveza BiH / sezona 2016/2017
9. Kalendar domaćih takmičenja - prijedlog
10. Nabavka opreme
 - Odijela – alpsko skijanje
 - Mjerenje – alpsko skijanje
 - Oprema za servis – alpsko skijanje
 - Odijela – ski trčanje
 - Cipele – ski trčanje
 - Maže – ski trčanje
11. Podjela opreme HH: ski centri i ostali
12. Izvjestaj IBU kongres
13. Izvjestaj Zurich
14. Manifestacija - Proglašenje najboljih
15. Razno

Dnevni red je jednoglasno usvojen.

Ad. 1.

Zapisnik sa 14. sjednice je jednoglasno usvojen.

Ad.2.

Prijedlog izmjena Pravilnika o dječijim skijaškim takmičenjima – sezona 2016-2017. Dojčinović ukratko obrazložila izmjene, napomenuvši da je ovo pravilnik koji se godinama primjenjuje. Osnovne izmjene su uvođenje kategorije U8 na domaćim takmičenjima u BiH. Ova kategorija se neće bodovati i prilagođeno je u tehničkim specifikacijama postavka staza za ove kategorije. Dojčinović je također rekla da trebamo razmotriti član 2.6. stav 6 gdje se kaže da su entitetski savezi obavezni do početka KUP-a BiH dostaviti dokaz o uplaćenju kotizaciji za svakog takičara, koji garantuju pravo nastupa. Dojčinović je rekla da ovu stavku imamo i u cjenovniku. Problem je što entitetski savezi ne uplaćuju ovu kotizaciju i ako ne možemo napraviti da se to pod obavezno uplaćuje onda je potrebno brisati ovaj stav u pravilniku kao i u cjenovniku.

Prvi za riječ po ovom pitanju se javio gospodin Đukić. On je informisao članove Upravnog odbora da entitetski savezi naplaćuju ovu kotizaciju po 10 KM, i bilo bi sasvim u redu da po 5 KM po takmičaru prebacuju Ski savezu BiH.

Nakon duže rasprave u kojoj su učestvovali Laikert, Hasečić, Đukić, Lasica odlučeno je da se stav 6 u pravilniku o dječijim skijaškim takmičenjima briše, a u cjenovniku da se izbací stavka naplaćivanja kotizacije po takmičaru, s tim da Ski savez BiH i dalje mora registrovati svakog takmičara uz predočenu potvrdu o ljekarskom pregledu.

Pravilnik je jednoglasno usvojen.

Ad. 3.

Pravilnik o dječijim timovima i kriteriji za odabir Dječije reprezentacije na prijedlog Alpske komisije. Bez rasprave uz komentar da je pravilnik dobar jednoglasno je isti bez izmjena usvojen.

Ad. 4.

Nastup na svjetskom prvenstvu St. Moritz u alpskom skijanju. Dojčinović je kratko objasnila da su navedena imena barem kod muškaraca realni pokazatelji, s tim da može doći do eventualne izmjene u muškom sastavu. Kada su u pitanju djevojke, Elvedina Muzaferija se izjasnila da je za nju bolje da nastupi na EYOF-u i na Svjetskom Juniorskom prvenstvu, dok maja Tadić nije spremna za nastup na Svjetskom prvenstvu s obzirom da tek treba da počne da vozi u FIS programu. Hasečić je ponovno želio da se potvrdi sistem finansiranja od strane FIS kada je u pitanju nastup na Svjetskom prvenstvu.

Dojčinović je rekla da je to cca. 1.000 CHF po učesniku i naglasila da ne trebamo nikoga tjerati da nastupi na Svjetskom prvenstvu.

Lasica je rekao da nema smisla da nemamo učesnika na Svjetskom prvenstvu kada su u pitanju djevojke, jer će FIS sigurno i to pratiti.

Dojčinović je rekla da bi ipak bilo dobro da imamo barem jednu djevojku. Hasečić je također to potvrdio i složio se i sa Lasicom oko aktivnosti.

Pozderac, Laikert nisu za to da Žana Novaković ide na Svjetsko prvenstvo, jer nema smisla da mi nju molimo poslije svega što je ona zahtjevala od Saveza i pokušaja tužbe.

Hasečić je konstatovao da nemamo ozbiljnih kandidata za učešće na svjetskom prvenstvu kada su u pitanju djevojke.

Đukić je rekao da Maja Tadić neće ići na EYOF 2017 tako da bi mogla ići na Svjetsko prvenstvo. Pekić se složio sa ovim prijedlogom. Dojčinović je rekla da bi Maja Tadić morala imati ispod 120 FIS bodova da bi učestvovala. Laikert i Biogradlić se ne slažu da neko ko nije još niti jedne trke vozio da ide na Svjetsko prvenstvo.

Lasica je također spomeo dopis OK BiH gdje se navodi da je dosta da neko samo predstavlja državu, već da šaljemo na ovakva takmičenja nekoga ko stavrno može da se nosi sa tim.

Pekić je na kraju predložio da onaj ko ispunjava uslove ide na Svjetsko prvenstvo, a to su trenutno Novaković i Muzaferija. Dojčinović je rekla da će još jednom obaviti razgovor sa trenerima i Elvedine i trenerom reprezentacije oko nastupa Elvedine Muzaferija na Svjetskom prvenstvu.

Nakon duže rasprave s obzirom da je rok za preliminarnu prijavu 30.10.2016. godine zaključeno je da Savez izvrši prijavu za 4 muškarca i 2 djevojke pa ćemo naknadno vidjeti da li imamo ozbiljnijih kandidata kod djevojaka koje bi mogle nastupiti ili ćemo otkazati nastup djevojaka.

Kratko se raspravljalo o radu komisija jer informacija o Svjetskom prvenstvu nije potpisana već je samo izvod iz zapisnika, što je neprihvatljivo Dojčinović je rekla Alpska komisija slabo radi i da rade samo pojedinci, te da to predstavlja veliki problem. Predloženo je da Dojčinović više obrati pažnju na rad komisija i da pokuša da ih natjera da rade kako treba i da dokumenti koji dolaze na Upravni odbor budu kvalitetniji i potpisani.

Ad.5.

Prijedlog pravilnika o reprezentacija – ski trčanje. Uvodnu riječ je dao Kenan Jažić, koordinator za ski trčanje. Jažić je rekao da pravilnik dobar s tim da ima nekih tehničkih grešaka koje treba ispraviti. Zatim se za riječ javio Lasica s obzirom da je on jedini i reagovao prijedlog pravilnika a u smislu da pomogne komisiji, da pravilnik bude potpuniji. Ipak to nije shvaćeno tako već je predsjednik komisije Jevtović oštro reagovao na Lasicine prijedloge. Lasica smatra da je ovaj prijedlog samo o bodovanju i ničemu drugome. Iz tog razloga je Lasica ubacio i druge kriterije kod odabira reprezentacije, ko može biti trener. Smatra da je predsjedniku komisije povrijeđena sujeta pa se zakačio samo za član 14. i član 15. gdje se radi da treneri prema Zakonu o sportu moraju imati završenu školu, fakultet za obavljanje tog posla što samo jedan od njih koji trenutno obavljaju poslove trenera zadovoljava te uslove.

Jevtović smatra da su Lasicini prijedlozi preširoki, i da se ne može reprezentacija određivati po širokim kriterijima. Lasica smatra da je potrebno da takve stvari stoje ukoliko nemamo FIS liste kao zamjenski kriterij. Jevtović smatra da za ovaj pravilnik bitan način izbora reprezentacije te smatra da je prijedlog komisije izuzetno dobar jer su i mladi ovim načinom dobili priliku da budu u reprezentaciji. Kada je u pitanju stručnost kadrova smatra da kada budemo plaćali trenere onda možemo i zahtjevati njihovu stručnost. Lasica razumije problem oko stručnost kadrova ali da se može i tematska sjednica o tome napraviti i da se treba pridržavati Zakona. Također smatra da nije suviše da stoje i drugi kriteriji za izbor reprezentacije.

Hasečić je rekao da su član 5. i član 8. u suprotnosti, gdje se u prvom navodi isključivo FIS lista a u članu 8. Može to biti i subjektivna ocjena komisije. Također je naglasio da ovaj materijal nije spreman za usvajanje te predlaže da komisija ponovno prođe ovaj prijedlog pravilnika sa navedenim izmjenama sa ove sjednice Upravnog odbora.

Đukić ima primjedbu na tabelu po FIS bodovima, jer nema smisla da seniori ispod 100 bodova bude u A reprezentaciji i da omladinac ispod 200 bude u A reprezentaciji, što nema nikakvog smisla. Nakon duže rasprave u kojoj su učestvovali Jevtović, Đukić, Lasica, Hasečić zaključeno je da Dojčinović bude koordinator pri doradi pravilnika i da se u narednih 15 dana ovaj materijal spremi kako bi se razmatrao na sljedećoj sjednici UO.

Ad. 6.

Učešće na Svjetskom prvenstvu – Lahti u ski trčanju. Hasečić je rekao da po materijalu komisija traži od UO da da prijedlog oko nastupa na ovom takmičenju. Jevtović smatra da trebamo da učestvujemo na SP sa punim sastavom 4 muškarca i 4 djevojke. Lasica je rekao da s obzirom na dopis komisije UO treba da odluči o broju takmičara, i da je zaista šteta što je uglavnom sve klasika na SP, pa je predložio da po FIS posljednjoj objavljenoj FIS listi u disciplini Distanca idu 3 djevojke i 3 muškarca sa dva trenera. Prijedlog je jednoglasno usvojen.

Ad. 7.

Prijedlog Snowboard pravilnika na prijedlog Snowboard komisije. Dojčinović je prisutne obavjestila da je član komisije Nemanja Cicović na današnji dan poslao izdvojeno mišljenje pa je Dojčinović isti i pročitala. U izdvojenom mišljenju stoji da pravilnik nije donesen konsenzusom te da se moli UO da se blokiraju sredstva snowboarda dok se pravilnik ne usvoji konsenzusom. Nadalje Cicović smatra da treba da se definiše rotacija predsjednika komisija, način vođenja zapisnika kao i donošenje odluka. Dojčinović je naglasila da stavke koje Cicović navodi a tiču se rada komisije su suvišne i nemaju smisla jer postoji Pravilnik o radu komisija koji sve to detaljno definiše. Zatim se za riječ javio Biogradlić, koordinator za Snowboard. Biogradlić je rekao da su izmjene u pravilniku broj članova reprezentacije sa tri na dva, jer nemamo dovoljan broj kvalitetnih takmičara koji zaslužuju da budu u reprezentaciji, te izmjene koje su napravljene kako bi pravilnik bio usuglašen sa drugim normativnim aktima Saveza koji su na snazi. Također je uvedeno u pravilnik da je kriteriji za ulazak u reprezentaciju i obavezno učešće na jednoj FIS trci. Pozderac podržava sve što je rekao Biogradlić, korekcije koje su unijete imaju smisla, a

izdvoje mišljenje nema smisla, naglasio je da ovo nije politička organizacija već sportska. Biogradlić je također rekao da je unijeta u pravilnik i još jedna disciplina, gdje je tehnička organizacija prema FIS pravilima.

Pekić je rekao da bi u komisiji trebao biti broj članova 5 jer bi trebalo da se radi o neparnom broju. Također je rekao da u prijedlogu pravilnika u članu 2.20.3 stoji izrečena disciplinska mjera od strane trenera, što nije vidio u ostalim pravilnicima. Biogradlić je rekao da ovo stoji jer imamo Sud časti a odnosi se uglavnom na korištenje nedozvoljenih sredstava. Hasečić je dao primjedbu na naziv pravilnika «Pravilnik o radu snowboard komisije i takmičenjima u BiH» jer mi imamo Pravilnik o radu komisija. Predlaže da se pravilnik naslovi «Pravilnik o snowboard takmičenjima i izboru reprezentacija». Zatim je rekao da na dva mjesta stoje neke generalne odredbe kojima nije mjesto u ovom pravilniku. Hasečić je pitao šta je sa brojem članova komisije. Dojčinović je rekla da UO imenovao ovaj broj članova. Hasečić je predložio da Smučarski savez RS predloži još jednog člana komisije. Biogradlić je rekao da je Cicović Nemanja bio predsjednik komisije i da je slabo radio, kao što i sada nema vremena da dolazi i radi. Nakon ovog objašnjenja Hasečić je povukao svoj prijedlog. Nakon kraće rasprave ostalo je da komisija bude u sastavu kakav je bio i do sada jer komisije svakako predlažu pravilnike, odluke, a UO usvaja.

Zaključeno je da se Pravilnik usvoji sa navedenim izmjenama. Pravilnik je jednoglasno usvojen.

Ad. 8.

Cjenovnik Ski saveza BiH za sezonu 2016-2017. Hasečić je ponovio da smo se složili da se izbacuje kotizacija za registraciju takmičara (BH kod) u iznosu od 5,00 KM, odnosno da se oslobode klubovi plaćanja ove stavke. Pozderac je rekao da su to dužni uplaćivati entitetski savezi i da nije u redu da se registruju takmičari za koje nije plaćena kotizacija. Pozderac je pokušao ostalim članovima pokušao objasniti da nije u redu da se ova stavka izbacuje jer da bi negdje neko bio član za to mora platiti članarinu pa makar i neku simboličnu što je i ovdje slučaj. Laikert je postavio pitanje šta je sa ljekarskim pregledima. Dojčinović je rekla da to takmičari rade. Nakon duže rasprave u kojoj su učestvovali Pozderac, Hasečić, Lasica donešeno je da se stavka 2 registracija takmičara izbacuje sa 9 glasova za i jednim suzdržanim. Pozderac je bio protiv jer se ne slaže sa tim da se ne plaća registracija takmičara jer i to moralo da se radi a da nije riječ o iznosu novca. Zaključeno je da svi moraju dostaviti Ski savezu BiH spisak takmičara na memorandumu i ovjeren pečatom sa dokazom o izvršenom ljekarskom pregledu i takmičarskom knjižicom.

Đukić je predložio da se u stavci 5 pod c unese pored ostalog sudija na startu i cilju. Prijedlog je jednoglasno usvojen. Sve ostale tačke cjenovnika sa navedenom izmjenom su jednoglasno usvojene.

Ad. 9.

Kalendar domaćih takmičenja u BiH. Dojčinović je naglasila da se radi o isključivo domaćim takmičenjima, jer su međunarodna već odavno usvojena i nalaze se u FIS kalendaru. Također je naglasila da će vjerovatno doći do izmjene datuma kako vremenski uslovi budu diktirali. Jednoglasno je usvojen prijedlog kalendara domaćih takmičenja u alpskom skijanju, ski trčanju, biatlonu i snowboardu.

Ad. 10.

Nabavka opreme:

- Odijela HH – alpsko skijanje, Dojčinović ukratko obrazložila da se radi o opremi o kojoj se već raspravljalo, s tim da ostaje da juniori plaćaju po 100 EUR odnosno 50% od ukupnog iznosa, te da je Igor Laikert naručio dodatno još jedno odijelo koje će sam platiti. Ukupan račun je 5. 715,00 EUR. Jednoglasno je suvojeno da se realizuje nabavka navedene opreme.

- Mjerenje za trening i štoping mjerenja po prijedlogu alpske komisije kao i sredstva za pripremu skija. Jednoglasno je usvojeno da se realizuje nabavka navedene opreme u iznosu od 2.300 EUR.
- Nabavka kombinezona i toplih odijela za potrebe reprezentacije u ski trčanju. Jednoglasno usvojeno da se nabavka navedenog realizuje.
- Nabavka ski cipela za potrebe A reprezentacije, te nabavka klasik skija za razvoj klasične tehnike skijanja u ski trčanju. Jednoglasno je usvojeno da se realizuju nabavka navedene opreme.
- Sredstva za pripremu i mazanje skija u ski trčanju. Jednoglasno je usvojeno da se realizuje nabavka navedene opreme.

Ad. 11.

Podjela opreme donirane od organizatora YOG 2016. godine. Dojčinović je obavjestila UO da je oprema klubovima podjeljena u dva kruga i da je trenutno ostalo opreme koliko stoji u materijalima, s tim da može doći do odstupanja u brojevima jer je dosta pomješano opreme, ali da će izvršiti ponovno brojanje preostale opreme. Dojčinović je rekla da su Pekić i Lučić predložili da se po pet odijela dodjeli entitetskim savezima, a ostatak da se podjeli po ski centrima. Dojčinović je napravila okvirni prijedlog, ali da Lučić ima drugih prijedloga. Lučić smatra da je minimum za Jahorinu i Bjelašnicu po 35-40 odijela, što treba iskoristiti, da bi smo dobili bolje uslove za takmičenja i druge neke povlastice. Također je potrebno povećati broj za Vlašić. Dojčinović je naglasila da nećemo imati dovoljan broj kompletne opreme ali da možemo iskombinovati jakne i pantalone te ruksake.

Nakon kraće rasprave usvojeno je da se dodjeli oprema centrima i to:

- Jahorina	40
- Bjelašnica	40
- Igman	10
- Dvorišta	10
- Vlašić	25
- Majnex	15

TOTAL: 140

Predloženo i usvojeno je da se organizuje 07.11.2016. u 12.00 sati u prostorijama Olimpijskog komiteta podjelu navedene opreme. Potrebno uputiti dopis direktorima ski centara o dodjeli opreme. Ovom događaju trebaju biti prisutni članovi Predsjedništva Ski saveza BiH, te je neophodno pozvati medije da prisustvuju. Potrebno je pozvati i ambasadora Norveške ambasade te napraviti zahvalnicu organizatoru YOG-a te istu poslati putem pošte. Nakon svečanog dodjeljivanja centri će u dogovoru sa Dojčinović opremu preuzeti iz skladišta.

Ad. 12.

Izvještaj sa IBU kongresa. Dojčinović je rekla da nema ništa dodati osim što stoji u prethodno dostavljenom pisanom izvještaju. Lasica je rekao da je sretan i zadovoljan jer smo uradili dobar posao za nas. Izvještaj je jednoglasno usvojen.

Ad. 13.

Izvještaj iz Zuricha. Dojčinović je rekla da nema ništa dodati, da je to standardni jesenji sastanak FIS-e gdje se usvajaju izmjene i dopune pravila, usvaja konačno kalendar. Izvještaj je jednoglasno usvojen.

Ad. 14.

Manifestacija proglašenja najboljih. Dojčinović je dostavila pismeni prijedlog. Jevtović je rekao da se može desiti da se proglašenje ne održi ali da finansijska sredstva ne trebaju da budu razlog tome, ali da je neophodno da se održi za prošlu sezonu. Dojčinović je rekla da je odluka o

održavanju ove manifestacije odlagano jer nismo znali kako će se sprovesti sistem finansiranja od strane FIS-e. Lučić je također rekao da se slaže sa Jevtovićem jer djeci mnogo znači da dobije neko priznanje. Dojčinović je rekla da je to i sada izvodivo.

Nakon kraće rasprave o mjestu i nagradama zaključeno je da se organizuje manifestacija održavanja najboljih sredinom novembra mjeseca. Mjesto održavanja Olimpijski komitet BiH. Vrijeme održavanja je subota u 11.00 sati. Što se tiče nagrada i priznanja odlučeno je da to bude: pehari i diplome za klubove (tri prvoplasirana), diplome za takmičare (tri prvoplasirana), pehar za prvog po kategorijama. Pozvati medije da dođu na proglašenje.

Ad. 15.

Pod tačkom razno raspravljalo se o nekoliko stavki.

- Dojčinović obavjestila UO da je pitanje stipendija zaključeno te da će od 01.11.2016. do 28.02.2018. godine po 800,00 USD mjesečno sljedeći takmičari dobivati stipendije: Laikert Igor, Šljivić Marko, Emrić Eman, Muzaferija Elvedina, Rudić Marko – alpsko skijanje, Karišik Tanja – biatlon, Plakalović Mladen i Kusmuk Sanja – ski trčanje.
- Nakon dosta pregovora na današnji dan smo od Slovenačkog ski saveza odbora za biatlon dobili prijedlog sporazuma u kojem piše da ćemo međusobno surađivati, od edukacije trenera, učešća na takmičenjima, logističke podrške itd. Dojčinović je rekla da će sporazum prosljediti svim članovima UO kako bi pogledali te i potpisali.
- Dojčinović je rekla da je došlo do određenih prelazaka takmičara iz jednog kluba u drugi i da postoji mogućnost stvaranja problema oko navedenog. Dojčinović je rekla da joj je žao što nije prisutan Mehić Jasmin jer se radi o takmičarima koji prelaze iz kluba Naš Tim koji bi mogao objasniti o čemu se radi. Dojčinović je rekla da se po našem pravilniku o članstvu, registraciji i prelascima takmičara prijelaz takmičara iz jednog kluba u drugi može izvršiti od 01. Maja do 30. Jula tekuće godine, s tim da izuzetno UO može odlučiti do 31. Oktobra tekuće godine. Dojčinović je rekla da su takmičari kluba Naš tim dobili ispisnice i da trebaju biti registrovani za SK Ilidža. Dojčinović je rekla da SK Naš Tim uslovljava SKi savez BiH da se sve uradi po odredbama pravilnika, ali i da pravilnik ponovila je kaže da UO može donijeti odluku do kraja Oktobra mjeseca. Dojčinović je rekla da Ski savez BiH nije nikada imao problema ove vrste ali i da nema smisla da mi isključujemo djecu iz sistema takmičenja ukoliko su takmičari već dobili ispisnice. Pozderac je rekao da možda nije podnijet zahtjev za ispisnicu na vrijeme, jer npr. SK Sarajevo ima u svojim normativnim aktima propisani period do kada se može podnijeti zahtjev za ispisnicu. U ovom slučaju SK Naš Tim je dao ispisnice ali je naložio da se pridržavamo pravilnika. Nakon kraće rasprave UO je dao suglasnost jer je SK Naš Tim dao ispisnice takmičara da se registruju za drugi klub odnosno SK Ilidža.
- Dojčinović je obavjestila UO da je u FBiH stupio na snagu zakon oporezivanja toplog obroka. Iznos koji se ne oporezuje je do 8,5 KM. Dojčinović je tražila da se topli obrok umanj, da se isplaćuje po 8,5 KM po danu, a da se razlika toplog obroka do 250,00 KM doda na platu, odnosno da s euveća plata za iznos za 100,00 KM. Lasica je predložio da još dodatno 100,00 KM poveća plata Dojčinović Jednoglasno je usvojeno da se Dojčinović plata uveća za 200,00 KM i da neto plata bude 1.200 KM.
- Hasečić je rekao da se na prošloj sjednici usvojilo da održimo tematske sjednice po sprotovima. Prvi na redu je bilo alpsko skijanje, i da je gospodin Mehić kao koordinator bio zadužen za istu. Hasečić je mišljenja da od ovoga ne trebamo odustati i da još jednom zamolimo Mehić Jasmina da zajedno sa komisijom pripremi materijale za održavanje tematske sjednice gdje će se raspravljati o problemima alpskog skijanja, kao što je školovanje trenera, neodstatak takmičara. Vrijeme

održavanje tematske sjednice nije puno bitno, ona se može održati i za dva mjeseca ali je neophodno da istrajemo da ih održimo. Jednoglasno usvojen prijedlog.

- Hasečić je rekao da je neophodno da se zaključe ugovori sa preciznim obavezama sa tehničkim organizatorima međunarodnih takmičenja. Jednoglasno je usvojen prijedlog. Dojčinović će napraviti nacrt ugovora i isti poslati na razmatranje UO prije potpisivanja sa tehničkim organizatorima.

Sjednica je završena u 20.15 sati.

Originalni materijali sa sjednice Upravnog odbora Ski saveza BiH prilažu se primjerku Zapisnika koji se odlaže u arhivu Ski saveza BiH.

Sarajevo,
27.10.2016.

Zapisnik vodila
Jelena Dojčinović

Predsjednik
Đelal Hasečić